



~~S. 111.~~

EX BIBLIOTH.
NATIONIS HUNGAR.

VITEBERG.

11-58.

SIGNAT. MDLCCCLXIII.

Q. D. B. V. 50

Valedicentem
Gymnasio patrio
& Academiam Lipsiensem
petentem

Juvenem optimum,

**AUGUTUM Gottlob
EICHNERUM,
VIRI**

Tit.

**DN. GEORGII ERNESTI
EICHNERI,**

Jcti & Praetoris quondam
apud nos longe meritissimi,
non degenerem filium

Anno MDCCXII. d. 3. Februar.

Voto hoc pio
prosequatur

M. Adam Erdmann MIRUS,
Gymn. ConR.

ZITTAVIÆ,

Typis Michaëlis Hartmanni,



Alutis ratio cum in aliis rebus, tum in eo potissimum posita est, ut in suo quisque officio non magis industriam, quam morum elegantiam probet. Illa enim efficit, ut, depositis inscitiae ingenitae tenebris, magis magisque ad lumen solidioris sapientiae properet, perpetuaque istius serenitate recreari gestiat. Haec omnium favorem benevolentiamque conciliat, qui virtutem venerantur ac colunt, quique amatores illius vera laude dignos arbitrantur. In utroque officio explendo talis hactenus fuisti, qualem & praeclara tua indoles, & studiorum ratio efflagitabant. Sustinuisti animose, quae in studiorum stadio laborum incommoda iter saepe difficile & impeditum nobis efficiunt, natura tacitis veluti stimulis magis magisque alacritatem concitante. Perfecisti constanter, quae fortiter sustinueras, in merasque convertere delicias nullus dubitasti, quae multi tui ordinis sive quotidianis accusant sermonibus, sive omnino ex laborum taedio abjiciunt. Exitum unius laboris fecisti initium alterius, cuncta fore in expedito existimans, si nullis vel perturbationibus animi, vel aliis incommodis cederes, sed strenue vinceret, quae a sapientiae meta multorum iter solet reflectere. Cumque grata laborum assiduitas intenta ad scopum studiorum esset; displicere aliis noluit
inge-

ingenita modestia, futurae felicitatis non obscura magistra. Admonitionem beatissimi Parentis animo fixam & immotam retinui, non agnoscere sapientiam splendorem suum, sed suo veluti ornamento destitui, nisi decens morum elegantia dignitatem ipsi adderet. Totus quoque in eo fuisti, ut actiones omnes ad illius praecepta conformares, Deique non solum gratiam, sed & hominum benevolentiam pio hoc cultu tibi conciliares. Dum vero aetas & studiorum ratio a te requirunt, ut, deserto patrio Gymnasio, Academica subsellia occupes; fac, tecum pristinam in laboribus continuandis voluntatem retineas. Ingrederis talem locum, in quo omnia habes exposita, quae & doctrina, & experientia augere tyrocinia tua possunt. Seminarium cernis, in quo arbores tenerae in senescentium, vel omnino deficientium locum feliciter propullulant. Effice igitur, ut fertiles imiteris arbores, in quibus flores pulcherrimi apparent, futurorum fructuum felicissimi prodromi. Infers te in commercium eruditorum, eo utilius orbi literario; quo maiores divitias conciliat. Nunquam igitur otiosus sis spectator, sed merces tibi pares, bonis omnibus aliquando utiles & salutares. Solidioris doctrinae Theatrum habes apertum, omnia sapientiae arcana sistens, quibus orbis terrarum regitur. Ita in illo versare, ut aliquando in famae theatrum prodire, omniumque oculos mentesque in te convertere possis. Magnam sustines expectationem magno quondam Parente non indignus filius. Vidit ille in te bonam indolem, sibi que de filio optimo saepe gratulatus est. Videre tamen fato praereptus vel in superiores ascendentem classes, vel in Academiam discedentem non potuit. Videt tamen felicissima Mater. Vident honoratissimi Affines cum Sororibus dulcissimis. Illa piis votis atque suspiriis vitam Academicam filio dilecto cupit esse fortunatam. Hi nihil magis in votis habent, quam ut aliquando ex Academia redeas familiae Eichnerianae desideratum ornamentum atque praesidium. Quare dabis hoc
sacra-

sacris Parentis manibus, ut vestigia ejus legas, partemque ab eo gloriam sive conserves, sive illustres. Dabis hoc dilectissimae Matris vel desiderio vel solatio, ut in te revirescant, quae cum Mariti morte amisit ornamenta maxima. Dabis hoc spei honoratissimorum Affinium, ut intelligant, eo plus te in dies singulos profecisse; quo plura & majora de te sibi indulgent. Destinabis igitur laudi tuae, quicquid potest efficere. Invitat aetas, fervet discendi cupiditas, offert se veluti in societatem Patrum Academicorum studium in te incredibile. Si precibus meis quicquam efficere licet; pauca verbis, affectu plura apprecabor. Ducat te felicitatis autor felici fidere in Academiam. Benedicat studiis, ut metam tibi propositam feliciter consequaris. Reducat te ira, ut, quantum in Te fuerit, Deo Reipublicae ex animi sententia servire possis. Vale!



Ung. VI 58. (1)

ULB Halle

3


002 686 287




56,

VD17
Sep. 2000 Pcl.







Q. D. B. V. 50
Valedicentem
Gymnasio patrio
& Academiam Lipsiensium
petentem
Juvenem optimum,
AUGUTUM Bofflob
EICHNERUM,
VIRI
Tit,
DN. GEORGII ERNESTI
EICHNERI,
Juri & Practoris quondam
apud nos longe meritissimi,
non degenerem filium
Anno MDCCXII. d. 3. Februar.
Voto hoc pio
prosequatur
M. Adam Erdmann MIRUS,
Gymn. ConR.

ZITTAVIÆ,
Typis Michaëlis Hartmanni,